



UNIVERSITÄTS-
BIBLIOTHEK
PADERBORN

Universitätsbibliothek Paderborn

Het Leven Vande H. Maghet Geertrvyt Abdisse Tot Eisleben

Gertrudis <de Helfta>

T'Hantvverpen, [1607]

Vande sinnelijcke ghenoechte in Godt. Dat LIII. Capittel.

urn:nbn:de:hbz:466:1-43080

woordde: En heeft het Catholyck ghelooue dat met/ dat soo wie eens ten H. Sacramente gaet dat ick aen dien myn seluen gheue tot salicheyt met alle myn goet dat begrepen is inde schatten van myn Godtheyt ende menschepdt ^{de vrucht van dick-} ^{vvils te commu-} ^{niceren,} versaeint? ende nochtans hoe den mensche dickwilder communiceert / hoe den hoop van sijn salicheydt des te meer vermenichfuldicht ende vermeerdert.

Vande sinnelijcke ghenoechte in Godt.

DAT LIII. CAPITTEL.

ALs haer van vele geraten wert datse soude ophoutwen van te Contempleren ter tydt toe datse wederom ghesont soude worden. Sy ghelijckse vooz maniere hadde lieuer den sinne van andere te doen als haren eygen/ oock henlieden hier in gehooz geuende/ heeft soo gheconsenteert/ datse nochtans de wyterlijcke ghenoechte niet en heeft verworpen diese hadde int vertieren der beelden des Crucifix Christi / op datse daer mede als spelende wel afghetrocken soude worden vande binnenste neersticheydt der beschouwinghe / ende nochtans door de wyterlijcke vertooninge des beelts Christi soude een gheduerige ghedachtenisse hebben van haren beminden. Waer ouer alse op eenen nacht besich was hoe datse den ghecrupsten een behaeghlyck graf soude maken van strop daerse hem des vrydaechs ter besperen tydt in begrauen soude tot gedenckenisse van sijn Pasie. De goedertieren Heere die meer de meynighe aensiet vanden beminder als het werck/ hem voegende by sulcken oeffeninge/ heeft tot

haer gheseyt: Verheught v inden Heere liefste/
 ende hy sal v gheuen de begeerten uwer herten.
 Dooz welke woorden sy verstaen heeft dat als
 yemandt om Godts wil sijn genoechten soecht
 in diergelijcke dinghen / dat dan de Heere sijn
 ghenoechten heeft in diens herte: gelijc eenigh
 Vader des huysghesin ghenoechte heeft inde
 const van eenen musyc-speelder die speelt booz
 sijn gasten als hy hem seluet siet in syn eyghen
 spel genoechte hebben. Ende dit is de begeerte
 des herten / die de mensche gegenen wordet / die
 soo ter eeren Godts sonder schade int wterlijc
 hem vermaecht: want het herte wilt natuer-
 lijck / dat is / begheert dat Godt in hem sijn
 genoechte neme. Hier op seyde dese: Ende wat
 can v doch comen mijnen liefsten Godt van
 sulcken ghenoechte die meer de sinnen dient
 dan den Geest? De Heere antwoorde. Ghelijc
 kerwijs eenen breecken woeket aet teghen sijn
 nen danck soude versumpen / al en coste hy
 maer eenen penninck winnen: soo ick ooc / die
 booz my genomen hebbe mijn wellusticheydt
 in v te hebben / veel noyer soude ick toelaten
 dat oock een ghepeps oft beweeghlicheydt van
 v cleynste vingerken om mijnent wille gedaen
 soo soude verlozen gaen / dat ick dat niet tot
 mijn meeste eere en soude bekeeren / ende tot v
 ewige salicheyt. Ende sy is dat v onmetelijc-
 ke goetheyt haer ghetweerdicht soo in dese din-
 gen haer te verheugen / wat een genoechte heb-
 dy dan in dat liedeken dat ic wt de sententien
 der heyligen ghemaeckt hebbe tot uwen lof / in
 het welck v heele eerweerdige Passie verhaelt
 is. De Heere beantwoorde: Ghelijc yemandt
 daer in soude genoechte hebbe dat synen vrient
 tusschen de soerste omhelvinghe hem leydde in
 eenen

Ghelijcke
 nisse.

Ander
 gelijcke-
 nisse.

enen den ghenoechlijcsten hof daer hem ontmoete den soetsten reuck van een de getempersste locht / ende wonderlijck hem verheuchden inde aengename groenicheyt van verscheyde blommen / ende daer by aengelocht werdt met een versoetende accodyt van een dat soetste geluydt / ende daer toe noch vermaect wert met den soetsten smaeck vande beste vrychte: ende dese ghenoechte sal ick u loonen / ende ooc den genen die dat liedeken dicwils gebuyt in den enghen wegh die tot het leuen leydt.

Vant quelen der liefden.

DAT LV. CAPITTEL.

VWeynich tijts na dese dinghen alse nu te seuenste reyse sieck te bedde lagh / ende op eenen nacht haer met Godt alleen becommet. de / soo heeft hy hem tot haer met de meewerdichste soericheyt buyghende gheseyt: condicht my mijn vryendinne / dat ghy om mijnder liefde queelt. Waer op sy: Ende hoe soude ick onweerdige dat deruen bestaen / te weren / dat ick om uwe liefde quele? De Heere heeft gheantwoort: Alle die sgnen wille my van selfs offert om eenighe swaricheydt om mijnen wille te verdragen / die magh waerachtelijck hem beroemen / ende beroemende vercondigen dat hy om mijnder liefde queelt: als hy inde swaricheyt verduldich is / en dat om mijnen wille volhert. Ende sy daer op: ende wat sey dese mijnen alderlieffsten / cont ghy dooz sulcken vercondinge gewinnen? De Heere antwoorde: sulcken vercondinghe is het verheughen van mijn Godtheyt / de eere van mijn menscheydt / de

VWie dat queelt om de liefdej Godts.